

萬
青
閣
詩
餘

題辭

若使天上無愁曲人

間損長恨之歌則是月

竟長圓天能不夜江邊

駐竹應湘女之懷春

畔巫雲不入楚王臺

子粉黛有色皆空上

金釵無嫌不幻矣然而

江離沅芷寫幽怨於騷人
贈与采蘭訴芳情於倩
女男聲
筆自鄭衛艷
體盛於齊梁固多寄託

主徵詞鋒具雅人
全深致
從來舊製樂府居多近
代新聲詩降特盛宗子
京風流獨步深成紅杏

枝頭晏同升寸調無雙歌
瀛桃在扇底低翻水調
譜柳七之金荃高唱江東
梅蘊賢之鐵板唐後主

玉笙吹徹那堪腸斷三
秋李清照紅藕香殘真
之魂銷千古美成伯可應
推詞苑連珠淮海稼軒

定是騷壇匪薜蘿云小

藝具見大方要之體貴溫

柔字爭奇艷殘香剩粉

盡是琳琅琢白選言都

成珠玉吐納則風雲月露
觸腕皆靈驅策則艸木
蟲魚添毫紙活必盡綜
乎衆美始獨擅夫專家

寄園夫子鳳標仙骨生具
縹緲廿載宦遊簪滿襟園
蘓掖三年吏隱情觥菊
碩松門疊畫裏樓臺

不羨石家金，每移鏡中。
煙樹依稀，摩詰剡川。
高屐長褰，時來三徑，牙
籤錦軸，坐擁百城年。

來擊鐸分錢既多江上
青峰上白苔日偷靜滅
字更有郢中白雪上吟
偶曰佳沐餘閒語及填

詞舊事蛟騰執苑才
情之駘宕如初土蠹蝕羽
陵法曲之飄零殆遍爰
悅敝篋重檢殘編見夫

有白皆工無言不韻纏綿

婉麗化柔情於鐵撥銀

筆如挫淋瀝數動響

於金笳玉笛倚語則寓云

不少終非染漢之音世歌
則持覽偏多大得江山
之助知其興至定屬神
來撒出臨臨年製恨

擊來紈扇歲、幾悲涼
長謠小令以療飢腸并
似戟借撫羽移宮為寫
臨齒頰皆香打起黃鸝

莫教夢短生憎杜宇又
啼春歸想像醉狂魔
烏巾而度曲臨摹笑靨
翻紅豆以長歌幾多滴

粉搓酥譜入梅花引裡
一闌曉風斜月吟來豆葉
黃時銀燭青尊調翻
如夢玉壺紅淚曲弔相

思雲雨巫山蓋楚舞大
都艷冶懊懷子夜豈
吳音果屬妖浮技至此
乎觀真山氣嗟乎懷中

錦在笑他賦別江郎套
畔香飛不數多才韓偓
老坐遊仙之越誰云太
上忘情吟成幼婦之辭

奉是文人慧業既倚聲
而協律洵執後而趨前
誰心張氏郎中寫鞦韆
柱字裏牛家鑑事描楊

柳於行省之卦宜付棗
梨用宣金石弟子竊有
請也願終窺全豹之
斑先生笑而許之遂盡

出採驪之秘時康遜丁丑

孟夏望日三帑受業矣

一元拜撰于燕臺

寄園

年家同學弟程光祿
相書

萬青閣詩餘 目錄

漸岍趙吉士恒夫著

受業

貴陽江

閏辰六

較評

鐵嶺吳一元宛先

小令

共一百九十八首

望

江南

吳宮漫興十首

江南雜憶五首

蕭

湘神

秋夜

南

鄉子

九日得伯兄四弟晉中家報漫賦

戲嘲不倒翁二首

詞譜卷一百一十五
蒼梧謠

中秋西巖對月漫興六首

碧窓怨

閨情

摘得新

秋夜聞笛

法駕導引

秋暮登交城四望樓

江南春

秋夜

遐方怨

王宛先久不還關東戲填秋闕一調促其歸

思帝鄉

登交城城樓

井州子

京口

水晶簾

秦淮河水閣

望江怨

閨情

豫讓橋

定西番

咏鐵馬

春分值雨

思歸

閨情二首

相見歡

夜月登石頭城

望太湖作

閨情

春光好

樂枝

閨情

太平時

閨情

生查子

閨情

昭君怨

重陽

柳枝

本意

女冠子

久苦京塵鄉思轉深小詞寫意

桃花水

旅夜聞笛

點絳脣

晉陽城樓

夏夜有感

丹陽道中

瓜步阻兵泊舟京口

旅夜

濕羅衣

思歸

初歸

七夕

曉行

歸國謠

閨情二首

浣溪紗

晚抵廣陵

望夫椒山

寄園超臺看花

渡渾河小泊金山口

無題三首

閨情

徐溝道中

春思三首

同于九扶程蒼孚從固關至獲鹿馬上作

過蓼莊野店

十三夜寄園對月

春霽山溪小憩

襄國道中

霜天曉角

春思

減字木蘭花

旅思

題張氏園亭

新樂道中

采桑子

徐州懷古

泊舟淮陰城下

佳人

暮春雨中作

無題二首

萬青閣留春同程非一許芳城

閨情

玉樹後庭花

春思

卜算子

夜泊燕子磯

菩薩蠻

邯鄲道中過黃梁夢謁呂翁祠觀盧生卧像

感舊

閨情 三首

秋夜

揚州懷古

秋暮村居用廻文體

晚浴

感舊

漆字昭君怨

暨陽渡江至驪沙舟中作

謁金門

湖上

好事近

秋夜

醉後題西巖來仙閣

更漏子

七夕

天門謠

揚州

憶少年

閨情二首

相思引

冬夜同潘雲從比部王宛先孝廉宿北頂僧

舍

漁父家風

感舊

洛陽春

無題

清平樂

江亭醉後題壁

西巖旅夜

肩峰碧

秋夜聞雁

閨情

醉桃源

有懷

書堂春

丁卯冬日泊舟廣陵

賀聖朝

秋雨春日

秋波媚

扇頭秋海棠

贈歌者

閨情

思家

武陵春

重陽前一日

感舊

山花子

江我長久羈縻木索題匏繫居

送汪紫滄南還

睡鞋

秦興夜泊

喜團圓

春感

歸思

柳梢青

杜鵑花

蘋果

太常引

漁陽道中

陽臺夢

閨情 二首

醉鄉春

旅夜

月中行

秋閨

月照梨花

閨情

偷聲木蘭花

魚臺晚泊

臨洛關

少年遊

春日偶憶

怨三三

渡蘆溝有感

探春令

雪後登瑯青閣望西山

河傳

宿山店思歸

雨中過馬嶺關宿古城村店

迎春樂

春闈

玉團兒

惠山謁張睢陽祠

青門引

無題

南歌子

無題

紅窻聽

無題

閨情

賣花聲

甲寅舊野元夕

招同胡鹿亭于章雲王宛先夏酉山汪紫滄

飲丁香花下二首

春夜寄園宴集

見一軒看杜鵑花

冬日招同潘雲從姜西溟何屺瞻王宛先朱

漢源夏西山汪紫滄寄園宴集

閨情三首

淳安夜泊

感舊

步蟾宮

咏鞋

美人麗起

金鳳鈎

春情

南鄉子

春日寄園漫興

嘯旅

秋暮送別

閨情

春夜寄園宴集

別意

無題

有贈

十四夜雨後見月

虞美人

甲戌都門元夕

吳宮懷古

秋夜有感

白門感舊

閨情

金陵懷古

大伾山

臨城道中

鵲橋仙

扇頭秋海棠

夜遊宮

旅思

梅花引

閨情 二首

踏莎行

月夜登交城城樓

閨情

春夜招同于是程胡鹿亭于章雲葛東之張

海安王宛先汪紫滄于左舒夏酉山寄園

宴集

小重山

雨中過二泉亭

渡滹沱河

萬青閣詩餘

漸岸趙吉士恒夫著

貴陽江 閏辰六

受業

鐵嶺吳一元宛先

校

小令

望江南

吳宮漫興

長洲苑脂粉尚流香響
廊餘苔蘚綠錦帆涇發

榮花黃底事憶吳王

又

真如夢勾踐破吳歸纔見吳宮麋鹿走又看越殿
鷓鴣飛一樣付欷歔

又

山頭石遺跡是西施鏡裏湖光開半面亂峰還似
捧心時螺髻總累累

又

悲南國秋半雨淒淒新雁一行來鶴市寒鴉數點
下鷄陂不見采蓮歸

又

繁華歇。烽火照蘇臺。金几玉牀何處。去年年風雨。落宮槐。莫唱錦帆開。

又

驚心目。霸業已煙銷。十萬水犀臨震澤。五千越士。圍夫椒。怒殺子胥濤。

又

重經過。曲徑點蒼苔。清磬一聲僧定後。玉人何處。採香回。寂寞是琴臺。

又

遙相憶魂斷館娃宮歌板銷沉春寂寂舞衣冷落
月溶溶只剩藕花紅

又

當年事歌舞了荒丘試上靈巖山頂望洞庭雨點
夕陽愁草滿百花洲

又

徘徊久那得舊粧臺短簿祠前呼白去真娘墓上
踏青來花向半塘開

江南雜憶

江南好憶殺秣陵春殿裏梅花新點額渡頭桃葉
黥傷神寶馬驟香塵

又

江南好春水漲邗河翠閣綺羅香信早紅橋簫鼓
月明多煙柳卧晴波

又

江南好花草舊吳宮鄧尉梅探香國裏石塲人醉
畫圖中油壁闌青驄

又

江南好○鶯嘴啄花叢○碧藕新抽金縷細○櫻桃初薦○
玉盤紅菱茨試秋風○

又

江南好○畫舫綠波中○十里香風籠菡萏○三秋清露○
滴芙蓉○小雨濕殘紅○

瀟湘神

秋夜

秋思長○秋思長○最無情處是秋光○怪道客中○秋夜○

苦秋風秋雨怕思鄉

南鄉子

九日得伯兄四弟晉中家報漫賦

此日重陽兩地登高總斷腸遙指河東何處是殘

煙裊陣陣西風寒雁起

戲嘲不倒翁

雙鐙而翁此中無物一丸封莫笑浮生輕似紙憑
人戲受盡推排還復起

又

一紙空空幾番顛倒任兒童此老自來能倔強還
無恙翻使勿觀嘲伎倆

蒼梧謠

中秋西巖對月漫興

今夜月羈人石上看荒涼甚直透夾衣寒

又

今夜月閨中分外愁清光苦別是一番秋

又

今夜月淒清似故鄉休回首吳越接天長

又

今夜月○天○涯○觸○處○悲○鄉○心○切○長○笛○莫○頻○吹○

又

今夜月○高○歌○上○栢○臺○驚○看○處○新○雁○一○行○來○

又

今夜月○吳○霜○點○客○顏○遙○相○慰○見○女○話○團○圓○

碧窓怨

閨情

夢醒○愁○香○冷○粧○成○怨○粉○紅○背○人○偷○自○訴○東○風○何○事○

眉峰長鎖一重重

摘得新

秋夜聞笛

秋月明誰家吹笛聲驚將天際雁度孤城羈人正
下思鄉淚不堪聽

法駕導引

秋暮登高望交城四望樓

登高望登高望家隔萬層山風急草枯秋寂寂帝
鄉遙在白雲間目斷雁門關

江南春

秋夜

燈燼落漏聲遲綠尊微醉後黃葉打門時連天衰
草增離恨獨擁秋衾只自悲

還方怨

王宛先久不還關東戲填秋閨一詞促其歸
藍花白菊花殘秋意闌珊望斷燕支山外山南征
人去幾時還夢兒尋不到玉門關

思帝鄉

登交城城樓

秋欲殘西風吹鬢斑愁殺年年此際雁行單獨上
層樓眺遠倚危闌南指雲溪處是家山

甘州子

京口

春深細雨好花天瓜步清蒜山巔寄奴事業總蕭
然誰更問投鞭今古恨明滅一江煙

水晶簾

秦淮河水閣

秦淮河上木蘭舟。漾春流。發清謳。桃葉桃根夾岸。
是紅樓斜倚。闌干人似。玉簾捲處。眼波秋。

望江怨

閨情

東風曉。蝴蝶枝頭香夢杳。翠被輕寒悄。小鬟簾外。
催粧早。開鏡了。螺黛不須描。留待檀郎掃。

豫讓橋

橋頭水。千載孤忠流血淚。嗚咽何時已。王仇未報。
身先死。酬國士。嘆惜古人風。煙樹斜陽裏。

定西番

咏鐵馬

徑寸琉璃嬌脆剛數片弄風輕漸琮琤最是夜
深天氣紗窓月正明驚得流蘇帳裡夢兒醒

春分值雨

簾外餘寒初褪春恰半晚窓前雨綿綿
寶鴨撥殘香篆敲詩人未眠省得因春憔悴恨慙慙

思歸

去歲落花時節春欲去乍離家向京華
不道今

年秋暮思歸路尚賒惟有舊歡新夢繞窓紗

閨情

記得那時郎去秋暮也語叮嚀問歸程道是春

濃天氣海棠花正盈不道荼蘼都謝向京城

相見歡

月夜登石頭城

半規新月朦朧石頭東隱隱旌旗城脚鎖艤幢
江一綫山萬疊恨無窮只有蘆洲夜夜打西風

望太湖作

在青陽記作
振衣直上峰巔。挾飛仙。慙石倚松。放眼向湖天。
波萬頃。何處是大夫船。一帶寒山濃淡正。鋪煙。

閨情

江頭弱柳成絲。正相思。蛺蝶無情。偏上海棠枝。
紅豆曲迴文錦斷腸詩。一段離愁相見是何時。

春光好

樂枝

攢碎錦。鬪芳容。畫樓東。剪出嬌姿。別樣工。一叢叢。
淺暈臨風灼灼。粉腮着雨濛濛。戲向花神呼小。

字小桃紅樂技一名

閨情

鶯語滑柳絲柔倦登樓芳草萋萋不解愁暗汀洲

郎馬朝來何處花前空憶歡遊眉黛不禁新恨

鎖幾時休

太平時

閨情

紅點香塵綠半陰正春深小窓無伴獨沉吟淚沾

襟試問舊歡何處也信沉沉悔將金縷結同心

到如今

生查子

閨情

夢到玉郎邊○剛向貪歡處○若箇喚人醒○無賴紅鸚

鵒○太○太○未爲遙遮○莫還重做○郎夢若來時○又恐

翻相誤○

昭君怨

重陽

養盡菊英秋透○正是倦遊時候○佳節又題糕○莫登

高 高處恐增鄉思雲外音書難寄塞雁一行橫
黯傷情

柳枝

本意

牆角橋邊細細垂
淡黃時可憐無力圖腰肢
怨春遲
和雨和煙千萬縷
誰爲王綰成
離恨一絲絲
怕鶯知

女冠子

久苦京塵鄉思轉深小詞寫意

人生如寄何日滄江高臥釣魚磯煙水扁舟穩晴
灘白鷺飛笑他京洛客空自逐輕肥多少風濤
惡不如歸

桃花水

旅夜聞笛

誰家長笛弄秋聲窗外月微明離鄉客隔牆聽鳴
咽到三更觸起故園情旅愁生長江東下暮雲
橫是歸程

點絳脣

晉陽城樓

獨上危樓茫茫不辨天南北孤城屹立山色週遭
碧孤突千峰盡屬逍遙籍西風急數聲簞策一
抹寒煙白

夏夜有感

小院涼生芭蕉落響清雙耳挑燈不寐陡觸當年
事柳暝花昏且博尊前醉愁難已半生傀儡陣
陣西風起

丹陽道上

一角孤城迢迢驛路春江尾吳音滿耳漸到鄉關
矣賣酒人家遠近多臨水船初繫柁鳥驚起煙
樹微茫裏

瓜步阻兵泊舟京口

起勢突見
雪浪如山誰將萬弩迎潮射寄奴城下貰酒淒涼
夜莫更悲歌波底蛟龍咤愁予也橫江士馬路
出弓刀鏖

旅夜

夢到家山醒來不記江頭路槐陰月午此夕剛三

五○起○凭○闌○千○立○盡○風○和○露○誰○相○訴○昔○花○溪○處○唧○
唧○蛩○私○語○

濕羅衣

思歸

連○宵○風○雨○釀○秋○容○微○霜○漸○染○丹○楓○雁○字○初○來○陣○陣○
昔○空○迢○迢○鄉○夢○難○通○恨○千○重○江○南○此○際○芳○塘○如○
鏡○開○遍○芙○蓉○

初歸

故園此際正秋殘○迎霜楓葉初丹○美景依然○征人○

乍還驚看兩鬢初斑黯離顏鄉愁無奈數聲短
笛一曲關山

七夕

金風昨夜動簾鉤空闌又值新秋離恨無端却在
眉頭檀郎何日歸休思悠悠問他烏鵲橋成還
未懶上粧樓

曉行

隔林曉色未蒸霞殘星數點橫斜席帽寒侵斷嶺
雲遮馬蹄踏碎荒沙苦思家相看只有平原衰

草滿地霜華

歸國謠

閨情

春欲去蝶褪輕衣鶯不語終日無情無緒眉峰愁
更聚惆悵舊歡何處徘徊花外度却被憐人顰
顰喚將歸繡戶

浣溪紗

晚抵廣陵

三月江干細草青鵝鵲聲裡放船行
片帆拖雨晚

真○真○杳○渺○烟○波○揚○子○渡○微○茫○燈○火○狔○狸○城○客○愁○
和○酒○一○時○醒○

望夫椒山

霸○越○吞○吳○恨○未○消○湖○天○極○目○總○蕭○條○為○憐○秋○太○一○
停○橈○遠○岫○猶○凝○西○子○髻○朔○風○空○捲○伍○胥○濤○夕○陽○
平○處○是○夫○椒○

寄園超臺看花

曲○曲○疎○籬○綠○短○牆○櫻○鞋○竹○杖○儘○徜徉○為○花○常○是○十○
分○忙○過○雨○藥○苗○纔○換○綠○愛○晴○菜○甲○漸○抽○黃○露○桃○

先已浣紅粧

渡渾河小泊金山口

碧浪微茫逼檻寒。一坏蟲起水雲間。行人說是小
金山。掠水鳥迎青嶂過。夕陽人待渡船還。綠楊
影裏獨凭闌。

無題

斜月溶溶半上樓。早涼天氣恰新秋。墮釵聲裡是
溫柔。暗遞脂香聞絮語。爲羞燈影怯回眸。褪鞋
故故倩郎兜。

閨情

落盡茶蘼香滿庭。嫩寒天氣近初更。空闌寂寞恨
難勝。低喚侍兒開翠幕。向他明月弄銀箏。更無
人識斷腸聲。

無題

簾影重重午正長。水肌剛稱薄羅裳。葡萄架下坐
追涼。那得身如雙蛺蝶。趁他茉莉上釵梁。儘儂
消受美人香。

徐溝道中

疊○疊○青○峰○繞○戍○樓○蕭○蕭○落○木○冷○原○頭○半○晴○半○雨○過○
徐○溝○塞○雁○無○情○催○薄○暮○西○風○作○意○弄○殘○秋○教○人○
陡○起○宦○遊○愁○

春思

細○柳○柔○柔○花○正○妍○玉○人○無○力○試○秋○千○此○時○情○緒○不○
禁○憐○欲○雨○還○晴○天○半○暖○似○癡○疑○醉○但○思○眠○夢○兒○
知○到○阿○誰○邊○

又

小○院○春○歸○思○悄○然○誰○家○子○夜○隔○樓○傳○歌○殘○空○覺○恨○

歌言作
一
振振戲浪錦鱗偏傍藻弄晴楊柳故含煙一番
無奈落花天

又

庭院深深月影斜幾番幽恨付琵琶任他春色闌
窓紗人遠無書憑燕子夜寒有夢到梨花愁香
怨粉不爭差

同于九扶程蒼孚從固關至獲鹿馬上作

驛路迢迢接固關斷崖絕壑畫圖間行人立馬幾
回看鳥道千蟠疑地盡羊腸一縷通天寒莫教

辛負好溪山

過蓼莊野店

負郭村莊水一灣
板橋隱隱綠楊閒
更無人到似
深山
春雨桑麻軟
婦子夕陽鵝鴨亂
沙灘隔溪
遙見荷鋤還

十三夜寄園對月

露濕空階滿
欲寒多情風景劇
相關
落人鄉思在
西山
缺月招邀明鏡裏
紅橋指點西園間
笙歌
靜寂五更殘

春霽山溪小憩

偶逐春光上小亭半簾微雨鶉鴉聲一溪新漲綠

燕平

疎樹淡濃殘照紫遠山明滅亂煙青斷腸

天氣又清明

襄國道中

山翠重重繞郡樓迢迢官道古邢州石家霸業總

荒丘

浪打孤城無限恨霜欺紅樹一番秋笳聲

鳴咽夕陽愁

霜天曉角

春思

書樓春曉燕子剛來到人在綠紗深處粧成也憑
闌眺海棠開罷了碧桃紅尚小最是斷腸天氣
新舊恨知多少

減字木蘭花

旅思

故鄉音斷乍雨乍晴秋已半記得離家開罷長安
六度花遣愁無計酒力憑他醒又醉羨殺新鴻
不怕雲山千萬重

題張氏園亭

池邊礧底一徑紆迴叢竹裏老樹槎枒作勢蛇龍
怒欲擎齋如畫舸人在翠微深處坐怪石參天
曾否當年拜米顛

新樂道中

燕南趙北却指京華能幾日狼籍春光作意楊花
打面狂野花香暖得得馬蹄莎徑軟明滅烟青
白板橋邊古驛亭

采桑子

徐州懷古

彭城自古興王地臺紀歌風遺恨無窮今日何人
弔沛公○荒○沙○落○日○河○聲○壯○芒○碭○山○空○何○處○新○豐○
衰○草○寒○烟○是○故○宮○

泊舟淮陰城下

年○來○慣○作○淮○南○客○漂○母○祠○前○懷○古○淒○然○百○尺○荒○岡○
夜○泊○船○醉○餘○獨○自○推○篷○望○月○滿○霜○天○雁○掠○殘○烟○
一○派○清○聲○起○枕○邊○

○○佳人

雲髮婀娜凌波小。鴛鴦帶雙垂刺繡。慵時偷向花陰
學賭碁。無端應判沉吟久。不耐尋思。輸却釵枝
低。囑休教阿母知。

暮春雨中作

賣餚天氣剛三月。紅紫繽紛花霧。氤氳錦樣年光。
織未勻。朝來空下傷春淚。風雨黃昏。冷落香魂。
一片亭臺鎖綠雲。

無題

小樓聽徹黃昏雨。閃盡殘燈翠被寒。輕花睡。朦

喚不醒 明朝留取消魂句題向吳綾寄與多情
辜負今宵是此生

萬青閣留春同程非二許芳城

斜風小雨清明近纔別蘭舟又約山遊背背韶光
獨上樓 溪干一抹春如織花帶烟羞柳弄絲柔
樹底黃鸝相對愁

閨情

連宵枉寄相思子聽徹銅環坐到更殘不見蕭郎
帶酒還 今宵薄倖歸來也笑倚闌干指向伊看

慚愧花名是合歡

玉樹後庭花

春思

數聲鳩婦呼晴巧。畫樓春曉。夢魂一夜天涯繞。篆
香初裊。玉人睡起臨粧早。菱花開了。怪他夫婿
歸期杳。蛾眉誰掃。

卜算子

夜泊燕子磯

蕭蕭鵲掠風。漠漠豚吹浪。一片寒江百尺山。月小

孤亭廠 嵐氣淡於烟水勢平如掌隱隱中流戰
鼓聲來自黃天蕩

菩薩蠻

邶鄆道中過黃梁夢謁呂翁祠觀盧生臥像
公車又返邶鄆道原頭極目荒秋草寂寞呂翁祠
藕花紅盡時 晚鐘雲外動驚斷遊仙夢長揖問
盧生黃梁熟未曾

感舊

江南二月春如畫游人共躍青驄馬買醉向旗亭

青門詩餘
蠻姬含笑迎
只今江上路芳草迷歸渡何處寄
相思河橋折柳時

閨情

青鳥傳來雲外信
玉人親製迴文錦
離別又經年
迢迢路幾千
帶圍寬欲盡
總是尊前恨
恨到幾時休
柳絲青上樓

秋夜

荳花棚底蛩聲急
苦將秋意和愁織
織就一天秋
添人無數愁
夜深吟欲斷
畢竟將誰怨
怨得不

分明空閨掩淚聽

閨情

杜鵑聲裏催人去登樓一望情如許落日亂峯低

玉驄驕更嘶此行郎自喜只是傷儂意欲語又

吞聲痴腸背地疼

揚州懷古

西風吹盡隋堤樹舊時明月無尋處歌吹擅揚州

年年底樣愁繁華今已歇一片寒江碧千古最

寬消簫聲廿四橋

秋暮村居用迴文體

秋暮村居用迴文體

晚浴

綠紗影裡瀟湘曲。一簫香霧籠溫玉。生怕阿郎窺。
吹燈落燼遲。起來香汗濕。斜倚屏山立。換却薄羅裳。花間納晚涼。

△ 閨情

夢回聽得丫鬟道。誰樓鼓打三更了。猶未解羅衣。
知他歸不歸。孤眠儂已慣。不爲長和短。只是枕
兒。勿鴛鴦却繡雙。

感舊

當年記得尊前舞。花枝笑撚紅如雨。是處寄相思。
眉峰斂翠時。今朝花底見。依舊尊前面。無計阻。
歸橈相看暈淚潮。

添字昭君怨

暨陽渡江至驤沙舟中作

昨夜江湖新漲捲起千堆雪浪中流回看臨陽城
一星星風急片帆如箭已抵長江北面翠微半
點海雲間是孤山

謁金門

湖上

新水碧染就一湖春色幾樹垂楊烟縷纖片帆歸
太急試向小亭獨立滿眼韶光似昔鷓鴣聲聲
鄉思切閒愁何處

好事近

秋夜

梧影漾微風，
篩亂一庭明。
月薄醉夜來，
初醒愛亭臯。
清絕小窗人，
靜博山溫重。
把餘香，
燕吟徹，
深秋無賴，
有空堦促織。

醉後題西巖來仙閣

我欲揖翠真同入，
瑤池玄圃只恐碧虛無際。
觸取剛風怒待他，
羽化更何時迷却烟霞路。
且共樵夫牧豎，
向醉鄉深處。

更漏子

七夕

月○鈎○橫○梧○葉○下○
今○夜○雙○星○會○也○
催○乞○巧○上○粧○樓○嬌○
痴○不○耐○愁○
移○湘○珮○彈○珠○淚○
消○受○一○天○憔悴○憑○烏○鵲○
問○歸○期○人○間○偏○別○離○

天門謠

揚州

夢○斷○揚○州○路○
記○十○七○年○前○會○
任○銷○魂○處○烟○月○憑○誰○
主○
濤○聲○怒○盲○風○兼○怪○雨○
捲○盡○茫○茫○今○古○空○剩○取○
新○舊○塚○累累○無○數○

憶少年

閨情

無情芳草多情雙燕年年離別荒城幾回望又暮
雲凝碧一寸愁腸千萬結待歸來向伊細說長
途倦遊處有闌山水雪

相思引

冬夜同潘雲從比部王宛先孝廉宿北頂僧

舍

霜落疎林朔氣濃短籬黃葉吼西風酒寒燈燼度

盡隔牆鐘不辨狂沙連寒白驚看野燒接天紅
虎蹲獅踞直北是居庸

漁父家風

感舊

十三樓外小橫塘此地見蕭娘
條條柳色青如許還似舊時長
人太也憶紅粧鏡臺旁夢回香閣
一片離情月冷畫牆

洛陽春

無題

記得早秋天氣紫薇花底幾番欲別又遲遲相思
字憑誰寄此日粉香脂膩料應憔悴願將紅藥
作良媒付與有情流水

清平樂

江亭醉後題壁

江山如此直是浮漚耳今古典亡堪屈指幻盡
樓海市會間飲者留名任教落落吾生醉倒何
須荷錦笑他拘謹劉伶

西巖旅夜

半風半雨又是秋將去。塞雁低飛。巖瀑怒。何處重
尋歸路。不堪客思蕭條。行無人處。誰招月壑霜
橋路。斷酒酣更讀離騷。

眉峰碧

秋夜聞雁

寂寂秋方半。驀地聞新雁。愁殺黃金臺畔人。有夢
遶家山遠。夜永聲還亂。風急行還斷。月黑霜濃
陣陣飛。憑伊訴出邊關怨。

閩情

滿地殘紅片蹴破雙飛燕倚過闌干懶下樓正是
處芳情倦指點垂楊听一抹烟光亂錦纜牙檣
暮不歸惱人春色腸空斷

醉桃源

有懷

小亭殘菊醉寒枝萋萋秋暮時此生悞作有情痴
相思誰得知涼月皎朔風吹年年慣別離夢中
空自數歸期孤衾淚暗垂

畫堂春

丁卯冬日泊舟廣陵

當年司推古揚州。鶯聲一片邗溝。木蘭亭子十三樓。載酒常遊。舊夢那堪還問，重來一日難留。寒風冷雨晚颼颼。浪打官舟。

賀聖朝

秋雨

不堪簾外蕭蕭雨。又是秋將去。數聲新雁滿階黃。葉淒涼如許。夜來嘗盡思鄉苦。夢斷江南路。依稀曾到舊時庭院。醒來何處。

春日

年年蘄北看花處。愛媽紅無數。風和烟煖遊絲牽。
惹幾多情緒。玉驄嘶徹垂楊渡。有長堤飛絮。倩
他鶯燕把春留住。莫教歸去。

秋波媚

扇頭秋海棠

颯颯涼生小庭幽。花亦爲人愁。宿醒未醒。淡粧新
浣。一種嬌羞。偏宜移向丹青裡。點染幾枝秋。非
關經雨也。應凝露。別樣風流。

贈歌者

灼灼芳姿淡淡粧。今夜恰新涼。歌殘無力佯羞推。
醉絕勝蕭娘。東風如夢人如畫。憶殺舊橫塘。多
愁洗馬那能堪。此相對茫茫。

閨情

落梅風定嫩寒輕。斜月半窗明。殘粧已卸羅衣欲
解。猶自撈箏。玉郎故故催花。睡遮莫正三更。被
池香暖。湘鈎聲細。絮盡柔情。

思家

小閣新涼又黃昏。砧響不堪聞。數聲殘角，一鉤新月，羈客消魂。
白雲紅葉題詩處，風物是鄉關。淚痕灑向曲籬深院，流水孤村。

武陵春

重陽前一日

落木蕭蕭風正急。明日是重陽。莫上高樓更望鄉。
生怕斷人腸。三徑荒蕪秋寂寞。辜負菊花黃。携得茱萸貯一囊。醉臥酒壚旁。

感舊

記得當年相見處。人在畫樓中。笑折花枝照玉容。
絮語自囁囁。何事東君催去早。離別太匆匆。一
曲清商調未終。偷淚濕殘紅。

山花子

汪我長久羈滯水。索題匏繫居。
無數煙花又到秋。罷歸依舊滯清流。白首孤危無
可訴。尚持籌。芳草綿綿楊柳。新愁舊恨。擲心
頭。輦下近來風景異。莫依劉。

送汪紫滄南還

雁背新添昨夜霜。潞河水漲野風狂。此際那堪還
送別。菊花黃。茆店荒雞催打馱。野亭寒月照歸
裝。一幅布帆千尺浪。是家鄉。

睡鞋

依樣紅尖小。鳳頭凌波只合向。溫柔故故背將燈。
影換恁嬌羞。軟繡漫誇蓮是步。迷香剛稱玉爲樓。
怪殺檀郎忒輕薄。倩他兜。

泰興夜泊

買得揚州白板船。江皋潮漲四垂天。細柳小桃都

釀恨不勝憐。鵙鵙亂呼村店雨。鴈鵙飛破野塘煙。寂寞斷橋催晚泊。菜花用。

喜團圓

春感

啼鶯無語落花多。恨惟悴春光萋萋芳草江頭路。情隨柳絲長。數盃殘酒一篇別賦。萬種淒涼還家有夢醒來依舊身在他鄉。

歸思

去年春半離家時。節細草纔青無端兩度新鴻到。

又秋滿長亭。吾遊已倦。欲歸還未斷。梗飄萍。驚
看鏡裏蕭然雙鬢。華髮星星。

柳梢青

杜鵑花

衆芳將歇。忽然開遍。山頭紅雪。最是多情。朦朧枝
上三更殘月。海榴噴火。霜楓赤。難比爛斑碧血。
帝子覓歸。淚零中夜。染成顏色。

蘋果

佳果離離。林梢初熟。高下交垂。曉露將晞。秋光半

老香沁詩脾。摘來若箇相宜。供娛玩金相玉肌。
南海荔枝洞庭橘柚總遜清姿。

太常引

漁陽道中

驅車重過古漁陽。塞嶺接天長。雲樹晚茫。茫是秦
漢當年戰場。朔風驟起。落鴻低度。草白更沙黃。
一片總荒涼。我直欲登高望鄉。

陽臺夢

閨情

愁香怨粉情如許陽臺夢斷無尋處迢迢永夜怯
新寒擁孤衾獨語別離愁久作此後音書莫阻
聽他牆外搗衣聲有恨憑誰訴

醉鄉春

旅夜

風透碧窓人靜冷落黃花三徑蟲語澁雁行低又
是一番離恨莫問天涯歸信太住全無憑準偷
掩淚別孤燈故鄉路遠黃昏近

月中行

秋閨

早秋庭院動新涼。斜月到迴廊。含嬌無語理殘粧。
寶鴨裊餘香。屏山影裏。潏潏處。呼小婢。乍試蘭湯。
背燈偷解薄羅裳。先換小鴛鴦。

月照梨花

閨情

蓮漏初轉。蝦鬚低捲。對月無聊。懷人夢短。夫壻一
去天涯。不思家。隔牆若箇吹蘆管。寸腸欲斷。訴
盡幽怨。料他也是。恨年華薄命如花。不爭差。

偷聲木蘭花

魚臺晚泊

幾○行○疎○樹○斜○陽○裏○數○點○寒○鴉○棲○又○起○驛○路○迢○迢○一○
片○平○岡○與○斷○橋○依○稀○風○景○江○南○路○夢○入○家○鄉○客○
易○悞○衰○草○連○天○過○盡○河○邊○賣○酒○船○

臨洛關

邯○鄲○古○道○臨○洛○驛○回○首○太○行○青○歷○歷○極○目○蒼○涼○曾○
是○中○原○舊○戰○場○可○憐○鬼○火○明○如○豆○音○卽○悲○此○一○片○西○風○黃○
葉○走○聽○徹○三○更○鳴○咽○城○頭○凍○角○聲○

少年遊

春日偶憶

舊遊曾記綠楊影裏有舞榭歌臺誰家少婦三三
兩兩陌上踏青來脈脈柔情春一縷佯笑整金
釵却被燕泥芳草路露珠濕鳳頭鞋

怨三三

渡蘆溝有感

年來客裏怕登樓爲惹鄉愁滿眼黃花笑白頭天
涯客又逢秋幾番落日孤舟蘆溝上誰憐舊遊

灑淚望并州。許多愁。怨付與登樓。

探春令

雪後登瑯青閣望西山

小樓雪後獨凭闌。愛湘簾初捲。歎皇都風景。情佳處。只此地愁王粲。怪他山色尋常見。忽改朝來面。白漫漫。望斷燕南。薊北有蜿蜒如綫。

河傳

嶺山店思歸

一派無賴西風驟。起吹來窗外捲。他殘葉下黃昏。

消○竟○蕭○蕭○亂○打○門○
傷○心○最○是○羈○栖○客○家○山○隔○夢○
乘○驚○刀○尺○數○歸○期○是○何○時○遲○遲○勞○人○憤○別○離○

雨中過馬嶺關宿古城村店

秋○陰○一○片○嚴○關○絕○頂○蛇○涎○如○綫○雨○寒○泥○滑○馬○蹄○遲○
絕○棧○行○人○初○出○險○
解○鞍○且○就○前○村○在○原○頭○樹○隔○
斷○鄉○山○路○酒○難○賒○漫○長○嗟○天○涯○浮○生○何○處○家○

迎春樂

春閨

曉○窗○晴○日○人○初○醒○見○一○帶○闌○干○影○翠○鬟○雲○髻○無○心○

整小婢促臨粧鏡
郎馬不歸空悶悶
總辜負香奩紅粉
愁見水晶簾外又落紅成陣

玉鬘兒

惠山謁張睢陽祠

荒祠秋老堆紅葉
慘爛斑一庭戰血
怒氣如生絕
世男兒悲歌南八
司農奮笏常山舌
總同標干秋勁節
讀罷殘碑至今猶
唾賀蘭寒鐵

祠下有鐵騎賀蘭進明像

青門引

無題

香霧空庭暝密約今宵重訂垂垂簾幙已黃昏露
 濃風細更比夜來冷博山香爐人初靜倦依闌
 干等秋千架畔明月亭亭望盡花梢影

南歌子

○無題

簫局熏初罷迴廊月半明暗攜纖手傍花行怕惹
 花枝牽起小金鈴乍見先愁別今宵待怎生儘
 伊憐惜受伊疼贏得消魂只在一星星

紅窓聽

無題

翠幙深深香正暖○憶太歲隔簾曾見○相逢恰喜春○
還淺○把桃花開遍○松栢同心○今已結○撩人處漏○
長夜○永月明如練○喚回殘夢○是雕梁語燕○

閨情

花發並頭鳥比翼○問何事人偏離別○傷心一片天○
涯草又萋萋○含碧○錦字來時○魚雁絕○可還記登○
高送遠○羅衣淚濕○擬將此恨○付樓頭長笛○

賣花聲

甲寅舊墅元夕

望遠思騰騰烽火傳驚極天士馬正縱橫却喜海

陽今夜月還似承平巷陌更添燈春到山城畫

圖人醉水晶屏陣陣香風迷峽蝶鬧徹三更

招同胡鹿亭于章雲王宛先夏酉山汪紫滄

飲丁香花下

晴霧晚漫漫淺碧雲攢客來花底聽潺湲開遍丁

香春欲了風信闌珊香玉琢成團洗盡紅顏依

稀猜作繡毬看斜倚玉床人醉也月影凝寒

又

人坐衆香中。翠幕重重。誰將巧樣鬪玲瓏。一片綠雲千點雪。製就春工。鈴護小房櫳。花睡方濃。莫教狼籍釀遊蜂。好把杜鵑聲裏恨。說向東風。

△春夜寄園宴集

新築鎖芳叢。竹影重重。唧盃疑在畫圖中。綠酒紅燈春欲暮。人醉東風。花睡夜偏濃。微雨濛濛。多情鸚鵡喚簾櫳。談笑不知更漏永。數點疎鐘。

見一軒看杜鵑花

詞譜卷一百一十五
詞譜卷一百一十五
小院煮茶香新暖年光一番花事總茫茫只有杜鵑開不了依舊紅粧無語傍斜陽色相都忘怪他蜀鬼斷人腸好借拈花微笑意獻與空王

冬日招同潘雲從姜西溟何屺瞻王宛先朱

漢源夏酉山汪紫滄寄園宴集

天氣近吹葭地是京華園林蕭颯寂無譁一帶籬門黃葉裡如到山家斜日上窗紗共泛流霞醉眠忘却任天涯作意新寒先釀雪凍裂梅花

閨情

花霧曉冥濛。粧閣春融。畫眉人坐畫屏東。爲看梳頭調笑久，日滿簾櫳。昨夜綠紗中，翠被香濃。夢回猶自語惺忪。底事怪郎偏要問，紅暈芙蓉。

又

斜月五更殘。翠被輕寒。雨愁雲怨兩漫漫。好夢成時偏易醒，何處追歡。聚散總無端。幾度風酸。枕邊珠淚爲君彈。只有空閨禁不得，老盡紅顏。

淳安夜泊

繫纜近嚴城。小雨纔晴。微茫烟樹見寒星。側聽譙

樓樓上鼓已報三更。一片旅愁生。鄉夢難成。傷他殘月放船行。木驛迢迢人寂寂。千尺波聲。

感舊

對酒憶江村。往事酸辛。斷烟疎雨不堪論。觸起舊遊。渾似夢。黯黯羈縻。不見故鄉雲。滿眼驚塵。一鉤新月冷黃昏。此際梅花誰是主。怨殺柴門。

步蟾宮

咏鞋

移來步步看。嬌怯微皺起墨花。裙褶底兒已。是瘦。

稜稜愛弓樣幫兒還窄鳳尖剛稱鴉頭被好試

向踏青時節笑扶持女下堦行還只怕露濃苔滑

美人睡起

流蘇帳裏人初起聽搖漾玉鈎聲細箇儂真箇是

嬌憨尚餘困懨懨如醉鬢鬆亂擁青絲髻待半

响裙兒纔繫見郎笑匿合歡鞋偏露向交紅被底

金鳳鈎

春情

可曾讀高唐賦記花底盈盈十五秋千架下佯羞

障面笑語隔牆低度
苔痕襯出凌波步有幾許
惜春情緒日斜歸去香車冉冉瞥見秋波回顧

南鄉子

春日寄園漫興

獨坐嫩寒時春到園亭燕子知領畧東風無限意
絲絲蘸綠拖黃上柳枝鄉思正依依六載京華
客未歸強起憑闌尋短句霏霏檻外茶烟一縷微

驢旅

旅館獨無聊霜落平林葉盡凋最是惱人窗外雨

蕭蕭滴碎鄉心恨未消
愁坐此清宵書幌寒生
燭影搖幾度欲眠眠不得
迢迢夢遶開山去路遙

秋暮送別

寂寞暮秋天小雨斜風着意煎
觸起羈人多少恨
綿綿香燼燈寒人未眠
鄉思苦難捐題遍菖蒲
十樣箋自笑客中還送客
惓惓情困連宵足不前

閨情

心事總惓惓怕放春歸不捲簾
却怪畫梁雙燕子
呢喃零落殘紅到處啣
莫更畫眉尖愁與青螺

一樣添佩向鴛鴦裙帶底
宜男妾意花心各自請
春夜寄園宴集

溪院綠陰成書畫船停月半橫
載酒餞春春未去
初更鸚鵡吟詩隔翠屏
觴咏續蘭亭風度幽香
醉又醒十二曲闌紅燭冷
殘更驟雨空堦亂竹聲
別意

送別正秋殘衰柳長堤水一灣
怨殺石尤留不住
新寒揀得今宵繡被單
離恨總無端滿眼雲山
掩淚看只恐淚垂佯背而心酸
生怕傷郎不敢彈

無題

寒透夾衣輕簾影重重月半明應是春愁禁不得
盈盈傷着闌干獨自行花底恰相迎發付今宵
待怎生半晌欲呼還掩袖卿卿消受伊家只一聲

有贈

柳色上虛檐薰罷龍涎却待添聽說倚闌人到也
嬌愁軟語輕輕出畫簾淺試杏黃衫新樣盤龍
碧玉簪花底風微裙影皺鞋尖的的紅珠小鳳脚

十四夜雨後見月



秋容如畫

8800

虞美人

○甲戌都門元夕

00000000

○情○景○通○真○

吳宮懷古

蘇臺冷落荒煙斷。鹿走長洲苑。西風吹盡館娃宮。
惟有藕花愁對夕陽紅。胥門扶後空濤怒。山鴈
聲聲苦。吳王越霸不須哀。又見會稽一炬楚人來。

秋夜有感

滿庭清露天如水。醉裏和衣睡。團圓月照獨眠人。
記得離家時節是殘春。藕花香度新涼早。又是
秋初了。短長亭子路迢迢。爲甚年年別恨在今宵。

白門感舊

白門千古消寬地。往事依稀記。長千里。昨舊紅橋。

曾有箇人同度可憐宵
不堪還問重遊處燕子
空來去蕭娘漸老奈如何
更有青衫江上淚痕多

○○閨情

與郎樹底連茵坐
驀見青梅大玉郎
戲摘傷簷枝
爲愛箇中情味嗅移時
將梅笑擲儂懷裏試取
儂知未道儂心性似他酸
便是酸時也有許多般

○又

夜香早已燒殘了
庭院餘寒峭爲伊心事未分明
背着雙鬟悄地下階行
添香重到花陰外對月

深深拜怕郎○即○初○詞○所○云○云○性○也○故○也○煞是情多又做西家蝴蝶奈他何

又

小樓向曉簾鉤動驚醒紗窗夢起來無力倦臨粧
不為畫眉夫壻在他鄉○着○紙○欲○飛○含情獨倚闌干遍寄語
雙雙燕惜春長是怕春歸莫向亂紅影裏蹴花飛

金陵懷古

朝陽門外千章樹最是消魂處○孫郎事業已蕭然
惟有斷碑還紀赤烏年○秣陵宮殿長江鎖總付
咸陽火傷心莫道石頭多又見晉家荊棘卧銅駝○如○讀○哀○江○南○賦○

大伾山

在潞縣禹貢導河至於大伾即此

年來大好看山癖此地剛相值夕陽雲樹晚蒼蒼

指點山凹城郭是黎陽

茫茫禹蹟知何處一派

河聲怒行人馬上說朝歌惟有故宮煙草月明多

臨城道中

殘秋作意催歸客落木聲蕭瑟孤城橫鎖太行山

百折千蟠直接井陘關我來此地衝寒過一片

西風大井旁鵲鵲舊留踪遙指漢高原廟夕陽中

臨城有鵲鵲井即漢高祖避難處旁有高祖廟

鵲橋仙

扇頭秋海棠

一枝香粉幾叢綺石題與扇頭相贈含羞欲語不
勝憐怎寫得恁般丰韵胭脂已透睡醒還未昨
夜紅粧初褪無香有恨待如何好補入杜陵秋興
夜遊宮

旅思

陣陣排空新雁早飛度長城一綫起視霜天月如
練洞簫愁暮笳哀羌笛怨此際腸真斷望不了

疎林古岬無限含情掩秋扇別離人怯孤衾今已
慣

梅花引

閨情

空庭靜皓月浸數葉梧桐篩亂影秋風涼秋夜長
畫簾半捲金爐餘篆香幾番喚郎郎乍醒扶醉
起來思闌茗輦雙蛾溜秋波晚粧已罷良宵將奈
何

踏莎行

月夜登交城城樓

遠水如煙孤城似掌四圍勝勢攢青嶂戍樓鼓角
動初更勞臣此夜閒凝望鐵騎寒嘶笳聲秋壯
關雲隴樹都無恙茫茫今古不勝愁一輪月掛中
天朗

閨情

隱約湘鈎低垂銀蒜枕痕印淺香雲亂半軒晴日
乍梳頭侍兒徐把羅衣換倚盡闌干慵拈針線
半餘猶自慊慊倦怪郎昨夜太欺儂悄無人處將

他怨

春夜招同于是程胡鹿亭于章雲葛東之張

洵安王宛先汪紫滄于左舒夏酉山寄園

宴集

花壓牆陰月穿簾罅一春麗景逢今夜琴尊疑坐
米家船亭臺總入王維畫儘可清狂從教幽雅
已○操○醉○臥○丁○香○下○碧○天○如○水○斗○橫○斜○嚴○城○鼓○向○三○
更○打○

小重山

雨中過二泉亭

幾年踪跡似浮萍，重來尋舊約。二泉亭，
畫船冒雨出前汀。灘聲急，遠近總泠泠。
寂寞笑山靈，六朝松韻好，不會聽。
匆匆而返，竟未淡烟疎樹晚，冥冥
苔痕滑屐齒，尚餘青。

渡滹沱河

舊時曾此渡滹沱，離離兩岫碧長新。
莎那堪重到恨偏多，濤聲急，落木動寒波。
歲月總蹉跎，遊囊書劍在，任消磨。
何年生計付漁蓑，扁舟穩，煙水一

長歌